

Það er allkunnugt og margreynt, að í hverjum þeim stað, sem áfeingir drykkir tíðkast á annað horð, verða margir að ofdrykkjumönnum, og skerða með því ekki að eins eignir sínar og idjusemi, heldur spilla þeir heilsu líkamans og jafuvel viti sínu og góðum siðum og þar með virðingu þeirri, sem þeir annarskostar mundu ávinna sjálfum sér og þjóð sinni. Af þessum rökum eru nú stofnuð mörg hófsemdarfélög um víða veröld, einukum hjá þeim þjóðum, sem bezt eru menntaðar, og hafa þau horið, og héra hversdagslega, blessunarrikan ávöxt fyrir lönd og lýði. Nú þó að slíks þurfi að sönnu alstaðar við, þá mun vera óhætt að fullyrða, að hvergi beri jafu-brýna nauðsyn til þessa og á Íslandi; því bæði er landið svo fátækt, að það má ekki ausa út til ónýtis milli 80,000 og 120,000 rdd. á ári hverju, sem (með leigum) ekki er leingi að draga sig saman í stórmikið fé, og þó er hitt þjóðinni enn meira niðurdrep, að deyða og ónýta með þessu eitri og ólyfjani svo mikinn andlegan og líkamlegan krapt margra góðra manna, þarsem aldrei hefur verið jafnmikil nauðsyn og nú, að verja öllu því góðu, sem í voru valdi stendur, til heilla og framfara fósturjörðu vorri og sjálfum oss. Þessvegna urðum vèr stórlega glaðir við, þegar sú fregn barst oss til eyrna, að hófsemdarfélög væru þegar stofnuð á Íslandi, og þótti oss skylt, að láta ekki vörn hlut eptir liggja, og gerðum félagskap með oss, og rituðum lagagreininir þær, sem vér nú sendum til Íslands með þeirri bren, að sem flestir verði til að ihuga þetta mál, og ganga í lög með oss. Biðjum vèr þá að rita nöfn sín á hið lausa blað, sem fylgir bréfi þessu, og senda það síðan einhverjum af oss, hielzt með póstkípi í vetur, þaræð vèr höfum í hyggju, að auglýsa á prenti að vori komanda nöfn félagsmanna með öðru því, sem félagið snertir.

1. grein.

Félag vort heitir **Íslenskt hófsemdarfélag.**

2. gr.

Það deilir lögum vorum, hvort vèr erum á Íslandi staddir eða erlendis.

1. Á Íslandi má einginn félagsmaður bergja neinu, sem áfengið er, án leknis ráði, nema því vini, sem klerkar skulu deila mönnum í altarisgaungu.
2. En erlendis er þaradank leyfilegt, að drekka það öl, sem gjört er í því landi, þar sem maður er þá, svo og meðal-glas af rínarvíni eða frakknesku raðavíni í sólarhring.

3. gr.

Sérhver félagsmaður skal æ gera slíkt, sem honum er lagið, til að leiða sem flesta vora landa til þessa félagskapar.

4. gr.

Einginú af oss má hafa á boðstólum nokkurn áfengan drykk, nema honum þyki sem manns líf muui við liggja.

Kaupmannahöfn, 26. sept. 1843.

<i>Brynjólfur Pétursson.</i>	<i>Brynjólfur Snorrason.</i>	<i>Gisli Thórarensen.</i>
<i>Gunnlaugur Þórðarson.</i>	<i>Halldór Kr. Friðriksson.</i>	<i>Jóhann Halldórsson.</i>
<i>Konráð Gíslason.</i>	<i>Pétur Pétursson.</i>	<i>St. Gunnlögen.</i>

Nöfn, stétt, heimili og kirkjusókn þeirra, sem ganga í *islenskt hófsemdarfélag*,
stofnað í Kaupmannahöfn sumarið 1843.



THE UNIVERSITY OF CHICAGO PRESS

CHICAGO, ILL. 60607